

# Protection **visa**

Tok save bilong presentesen

Senisim toktok long ol **Protection visas**





Tok Pisin

Tok save bilong kempen

# Introdaksen

**Wanpela Protection visa (sabklas 866) i bilong ol trupela asailem sika we i ken bungim bikpela bagarap o taim nogut long kantri bilong ol.**

Gavman bilong Australia i bin lonsim wanpela kempen long givim skul long ol manmeri long ol Protection visas na ol samting we i bai kamap long ol lain husat i laik traim long giaman na yusim dispela program.

Namba bilong ol kranki infomesen long ol Protection visas i wok long go antap na i wok long spred insait long ol komyuniti, na namel long ol Pasifik na Timor Leste manmeri husat i stap long Australia na long ol narapela kantri.

Dispela kranki infomesen i ken mekim ol manmeri i aplai i kisim bikpela mekim save bilong ol Protection visa long ol yet na long ol famili bilong ol.

As tingting bilong dispela kempen em long givim infomesen na ol tul we ol manmeri i nidim long stopim dispela kranki infomesen long spred na sekim na lukim olsem ol komyuniti i kisim edvais we ol i nidim.

Long stretim dispela kranki infomesen, Department of Home Affairs em i givim [free legal advice](#) i kam long ol speselis refuji na imaigresen ligel provida i go long ol lain husat i tingting long aplai long wanpela Protection visa.

Dispela edvais bai helpim ol manmeri long painimaut sapos ol i inap long kisim wanpela Protection visa, na daunim sans bilong yusim wanpela maigresen ejen we i no rejista na husat i bai givim edvais we i no stret.

Senisim toktok long ol Protection visas



Australian Government

# Kranki infomesen long ol Protection visas

**Ol Protection visas em i bilong ol trupela asailem sika (o ol famili memba bilong ol) husat i ken bungim wanpela trupela hevi sapos ol i go bek long kantri bilong ol o ol i gat bikpela sans long bungim taim nogut bikos long reis, lotu, kantri, ol i pat bilong wanpela grup o ol i gat wanpela kain tingting long disisen bilong gavman.**

Wanpela Protection visa em i no bilong ol lain husat i laik stap longpela taim insait long Australia long wok.

Ol maigresen edvaisa we i no rejista husat i save promotim ol sevis bilong ol long sosol midia na insait long ol onlain chat grup i wok long tokim ol manmeri long yusim wanpela Protection visa olsem wanpela rot bilong wok o surikim taim bilong ol long stap long Australia.

Ol dispela edvaisa i ken tokim ol lain i laik aplai long givim giaman o kranki infomesen na ol giaman dokumen taim ol i aplai long wanpela Protection visa. Sampela bilong ol i save sasim planti tausen dola long dispela edvais we i no stret.

Insait long Australia, em i tambu long wanpela man o meri long sasim maigresen edvais sapos em i no wanpela maigresen ejen we i rejista o wanpela loya insait long Australia.

Sampela woklain i ken givim wok insait long Australia taim ol i tokim ol lain we i holim temporeri visa long aplai long wanpela Protection visa taim ol i yusim giaman o kranki infomesen.

Ol sumatin tu em ol i wok long tokim ol olsem ol i ken stap insait long Australia longpela taim na wok taim ol i aplai long wanpela Protection visa we i gat giaman o kranki infomesen.



Tok Pisin

Tok save bilong kempen

## Ol samting nogut we i ken kamap long dispela kain kranki infomesen

**Ol bikpela senis i bin kamap long Protection visa sistem long hariapim taim bilong prosesim visa. Dispela em i min olsem ol manmeri husat i aplai long wanpela Protection visa bikos ol i laik surikim taim bilong ol long stap insait long Australia, em ol bai kisim tok nogat hariap.**

Planti bilong ol nupela lain we i aplai long Protection visa em nau ol i kisim disisen long spit **we i 8-pela taim moa** long ol yia i go pinis. Ol manmeri husat i givim wanpela Protection visa aplikesen we i gat giaman o kranki infomesen bai kisim bikpela mekim save, wantaim ol bikpela fain mani na ol i ken kalabus.

Wanpela Protection visa we ol i tok nogat long en em bai i stap long imajiresen rekod bilong dispela man o meri. Dispela em i min olsem em bai hat long dispela lain na famili bilong ol long kam bek long Australia long kam raun tasol, kam olsem sumatin o kam long temporeri wok visa.

Senisim toktok long ol **Protection visas**

Em i ken mekim impek long ol visa aplikesen bilong bihaintaim i go long ol narapela kantri long graun, dispela em bai dipen long wanem kain visa yu wok long aplai long en.

Ol lain we gavman i tok nogat long Protection visa bilong ol em ol i no inap long aplai long planti ol narapela visa na ol bai nid long lusim Australia. Sapos ol i no gat wanpela visa we i ektiv, Australian Border Force i ken holimpasim ol na kalabusim ol na rausim ol. Ol dispela lain bai nid tu long baim bek kost bilong rausim ol na dispela em i ken planti tausen dola.

Dispela yia, Australian Border Force i statim wanpela nupela operesen long fokus long holimpasim na kalabusim ol lain we gavman i tok nogat long Protection visa bilong ol na temporeri visa bilong ol em taim bilong em i pinis, na i rausim ol long Australia. Dispela operesen i wok long kamap i stap.



Australian Government

## Yu ken helpim long dispela we

**I gat bikipela namba bilong ol Protection visa we i no kisim tok orait na i gat liklik namba tasol we i kisim tok orait, na planti bilong ol lain i aplai em ol i kam long Pasifik na Timor Leste em ol i gat bikipela namba tru bilong ol tok nogat.**

Ol lain i aplai long Protection visa we i kam long Pasifik na Timor Leste em ol i gat sampela bilong ol bikipela namba bilong tok nogat. Long planti bilong ol dispela kantri, moa long 90% bilong ol lain i aplai i kisim disisen bilong ol insait long 2023-24 em ol i no bin inapim ol rikwaimen na ol i bin kisim tok nogat.

Ol komyuniti na oganaísesen insait long Australia i gat wanpela impoten wok long mekim long stopim spred bilong kranks infomesen i go long ol lain husat i tingting long aplai long wanpela Protection visa.

Dispela em i toktok long pasin bilong spredim awenes long ol samting nogut we i ken kamap taim ol lain i givim giaman o kranks infomesen insait long wanpela visa aplikesen na yusim wanpela maigresen edvaisa we i no rejista.

Tokim ol lain we i laik aplai olsem ol Protection visa em i bilong ol trupela asailem sika – ol i no bilong ol manmeri husat i laik stap longpela taim insait long Australai long wok.

Sapos wanpela man o meri i aplai long wanpela Protection visa na i askim yu long raitim wanpela sapot leta long ol, yu mas mekim dispela sapos yu bilip olsem ol i trupela asailem sika – dispela em i min olsem ol i ken bungim bikipela bagarap o ol i pret long kisim taim nogut sapos ol i go bek long kantri bilong ol.

Tokim ol long kisim [free legal advice](#) i kam long wanpela speselis refuji na imaigresen ligel provaida insait long kantri o teritori bilong ol.

# Yu ken helpim long dispela we

**Planti bilong ol manmeri i tingting long aplai long wanpela Protection visa em ol i no save o i no klia gut olsem i bai gat ol samting nogut i kamap long ol sapos ol i travel i go long kantri we ol i laik lusim na kam stap long Australia.**

Sekim olsem ol lain husat i laik aplai long Protection visa i klia gut olsem:

- Sapos ol i mekim wanpela Protection visa aplikesen, ol bai no inap long travel i go long kantri we ol i bin lusim na kam stap long Australia, maski sapos famili bilong ol i stap long hap.
- Sapos ol i kisim wanpela Protection visa, ol i no inap long travel i go long kantri we ol i bin lusim na kam sapos ol i no kisim tok orait long Gavman bilong Australia, maski sapos famili bilong ol i stap long hap.

Tokim ol lain husat i tingting long aplai long wanpela Protection visa long kisim fri ligel edvais long wanpela speselis refuji na imaigresen ligel provaida insait long kantri o teritori bilong ol.

Dispela edvais i ken helpim ol lain husat i laik aplai long painaimaut sapos ol i inap long kisim wanpela Protection visa, na tokaut klia long aplikesen proses na helpim ol long klia gut long ol samting nogut we i ken kamap sapos ol i tok nogat long Protection visa bilong ol.

# Hau Gavman bilong Australia i ken helpim komyuniti bilong yu

**Mipela laikim yu long serim ol dispela mesej wantaim ol lain we i tingting long aplai long wanpela Protection visa:**

1. Lukim ofisel [Australian Government website](#) long kisim moa infomesen.
2. Kisim [free legal advice](#) i kam long ol speselis refuji na imaigresen ligel provaida insait long kantri o teritori bilong yu.
3. Painim wanpela imaigresen ejen we i rejista pinis taim yu sekim [Ofis bilong Maigresen Ejen Rejistresen Atoriti](#).
4. Banisim yu yet na komyuniti bilong yu. Haitim nem bilong yu na ripotim ol maigresen edvaisa we i no bihainim lo, ripot i go long [Australia's Border Watch](#).
5. Painimaut sapos [ol narapela visa opsen](#) bai gutpela long yu.

Department bilong Home Affairs i bin kamapim ol posta, infomesen pepa, na sosol midia post na ol narapela meteriel we yu ken yusim long tokim ol komyuniti bilong yu long ol Protection visas.

[Yu ken kisim ol dispela long hia](#)



Tok Pisin

Tok save bilong kempen

# Edvais bilong hau long rispon long ol nogut sosol midia koment

**I gat planti kranks infomesen long ol  
Protection visas we i wok long go long ol  
manmeri i stap insait long Australia na  
long ol narapela kantri na dispela i kam  
long ol sosol midia pletfom na ol grup.**

Sapos yu lukim kranks infomesen long ol  
Protection visas we ol lain i wok long serim  
insait long ol forum o grup, yu gat wanpela  
impoten sans long makim em olsem kranks  
infomesen na promotim raitpela infomesen  
we i stap insait long dispela dokumen,  
wantaim dispela ofisel link –  
[homeaffairs.gov.au/protection](https://homeaffairs.gov.au/protection)

Banिसim yu yet na komyuniti bilong yu  
taim yu spredim awenes long ol samting  
nogut we i ken kamap sapos sampela lain i  
givim giaman o kranks infomesen insait  
long wanpela Protection visa o yusim  
wanpela maigresen edvaisa we i no rejista.

Impoten tru em, tokim ol lain husat i laik  
aplai long kisim [free legal advice](#) olsem  
namba wan step pastaim.

Senisim toktok long ol **Protection visas**



Australian Government

# Tenkyu

long patisipet



Senisim toktok long ol **Protection visas**



Australian Government